

HEITI FÉLAGSINS

1. grein

Félagið heitir Flugbjörgunarsveitin Reykjavík og er skammstafað FBSR. Heimili þess og varnarþing er í Reykjavík.

HLUTVERK

2. grein

Hlutverk FBSR eru:

- leitar- og björgunarstörf, einkum að aðstoða við björgun manna úr flugslysum og leit að flugvélum og öðrum loftförum.
- Stuðla að þjálfun félaga til að auka færni þeirra til leitar- og björgunarstarfa

LANDSBJÖRG

3. grein

Sveitin er aðili að Slysavarnarfélaginu Landsbjörgu

MERKI

4. grein

Merki sveitarinnar eru gulir vængir með rauða fallhlíf fyrir miðju. Inn í fallhlífinni eru stafirnir FBS og á merkinu stendur Flugbjörgunarsveitin Reykjavík.

Nánari útlistun á merkinu skal sett í reglugerð.

NÝIR FÉLAGAR

5. grein

Nýir félagar eru teknir inn í sveitina með samþykki aðalfundar. Skal nýliðabjálfari og stjórn FBSR mæla með inngöngu félaga.

Fullgildir félagar geta þeir einir orðið sem hafa lokið tilskilinni þjálfun með góðum árangri á a.m.k. tveimur starfsárum í nýliðaflokki. Víkja má frá þessu skilyrði með ákvörðun stjórnar þegar sérstakar ástæður mæla með því, t.d. þegar aðili býr yfir sérþekkingu sem gæti nýst sveitinni eða ef hann kemur frá annarri sveit innan Slysavarnarfélagsins Landsbjargar og hefur hlotið sambærilega þjálfun og gert er ráð fyrir í nýliðabjálfun FBSR. Umsækjendur skulu vera virkir í starfi sveitarinnar í að lágmarki í 6 mánuði áður en þeir geta orðið fullgildir félagar.

Stjórn er heimilt að veita umsækjendum gestaaðild, sem er tímabundin og án atkvæðisréttar. Stjórn skal setja sérstakar reglur um gestaaðild. Gestaaðild er veitt í eitt ár í senn og getur stjórn afturkallað aðildina án fyrirvara.

NÝLIÐAÞJÁLFUN

6. grein

Til að hefja þátttöku í nýliðabjálfun þarf að uppfylla eftirfarandi skilyrði:

- Að vera 18 ára þegar þjálfun hefst, en undanþágu má gera verði viðkomandi 18 ára á árinu sem þjálfun hefst.
- Að hafa hreint og óflekkað mannorð.
- Að vera líkamlega og andlega heilbrigður.

INNGANGA OG ÚRSÖGN

7. grein

Ósk um inngöngu og úrsögn úr sveitinni skal berast stjórn skriflega.

BROTTVIKNING

8. grein

Félögum FBSR er stranglega bannað að neyta eða vera undir áhrifum áfengis eða annarra vímugjafa í starfi og/eða undir merkjum FBSR. Stjórn FBSR getur tafarlaust vísað þeim félaga sem gerist brotlegur

úr félaginu. Stjórninni er heimilt að vísa félaga úr FBSR ef þeir hlíta ekki lögum og reglum félagsins eða vanvirða félagið gróflega á annan hátt. Tilkynna skal félaga um þessa ákvörðun stjórnarinnar en honum er heimilt að áfrýja þessari ákvörðun til næsta aðalfundar.

ÁBYRGÐ FÉLAGA

9. grein

Félagar bera hvorki persónulega ábyrgð á skuldbindingum félagsins né geta þeir gert tilkall til eigna þess.

AÐALFUNDUR

10. grein

Aðalfundur fer með æðsta vald í málefnum FBSR, samkvæmt því sem lög og samþykktir félagsins ákveða. Atkvæðisrétt á aðalfundi hafa fullgildir félagar samkvæmt 5. grein.

Aðalfundur skal halda í maí ár hvert. Stjórn skal ákveða og auglýsa dagsetningu aðalfundar fyrir janúarlok ár hvert. Til hans skal boðað skriflega, t.d. með tölvupósti, og með tilkynningu á heimasíðu félagsins með minnst 5 daga fyrirvara.

Tillögur um breytingar á lögum FBSR skulu berast stjórn minnst 30 dögum fyrir fyrirhugaðan aðalfund. Í fundarboði skal kynna þær lagabreytingatillögur sem fyrir fundinum liggja, ef þær eru á dagskrá. Breytingatillögur má gera við frumtillögur á aðalfundi. Til þess að breytingar á lögum FBSR nái samþykki, þurfa þær 2/3 hluta atkvæða fundarmanna. Sjái félagi sér ekki fært að mæta á aðalfund getur hann gefið öðrum félaga umboð til að fara með atkvæði sitt á fundinum, þó getur einn maður aldrei farið með fleiri en tvö atkvæði þ.e. sitt eigið og eitt samkvæmt umboði. Umboðið skal vera skriflegt og undirritað af tveimur vottum.

Aðalfundur er löglegur ef löglega er til hans boðað og 35 fullgildir félagar sækja fundinn. Ef eigi sækja fundin nægilega margir, skal boða fundinn aftur með 5 daga fyrirvara og er hann þá löglegur, ef löglega er til hans boðað.

Á aðalfundi skulu þessi mál tekin fyrir:

1. Formaður setur fundinn, en fundurinn kys sér fundarstjóra og fundarritara.
2. Skýrsla stjórnar
3. Ársreikningur lagður fram til samþykktar
4. Inntaka nýrra félaga.
5. Lagabreytingar ef þeirra er getið í fundarboði
6. Tillögur sem borist hafa kynntar og bornar undir atkvæði.
7. Kosning stjórnar
8. Kosning tveggja skoðunarmanna reikninga
9. Kosning tveggja í uppstillingarnefnd
10. Önnur mál

FÉLAGSFUNDUR

11. grein

Félagsfundir skulu haldnir þegar stjórninni þykir þurfa eða þess er krafist af a.m.k. 5 félagsmönnum og skal þá fundurinn haldinn innan 2ja vikna. Til hans skal boðað á sama hátt og til aðalfundar. Félagfundum stjórnar að jafnaði formaður félagsins, en ritari skal færa fundargerðir. Sala á fasteign FBSR er háð samþykki félagsfundar eftir tillögu stjórnar.

STJÓRN

12. grein

Stjórn FBSR fer með æðsta vald milli aðalfunda.

Stjórnarfundur er lögmeður ef meirihluti stjórnar er á fundi. Úrslitum ræður afl atkvæða. Séu þau jöfn ræður atkvæði formanns.

Stjórn FBSR skipa sjö menn, formaður og sex meðstjórnendur. Eru þeir kosnir á aðalfundi til eins árs í senn. Formaður er kosinn sérstaklega. Stjórnin skiptir með sér verkum að öðru leyti og velur varaformann, ritara, gjaldkera og þrjá meðstjórnendur.

NEFNDIR

13. grein

Til að annast sérstök málefni FBSR, skal stjórnin skipa nefndir er verði henni til ráðuneytis og aðstoðar. Vald og verksvið nefndanna skal nánar ákveðið af stjórninni. Stjórnin getur falið þeim að gefa aðalfundi skýrslu um hin sérstöku mál. Stjórnin skipar formann í þeim, en að öðru leyti skipta þær með sér verkum. Stjórnin getur vikið mönnum úr nefndum og skipað aðra í þeirra stað, en einnig getur hún fjölgað í nefndum, telji hún þess þörf.

REGLUGERÐIR

14. grein

Stjórn getur sett reglugerðir um einstaka þætti starfseminnar, að höfðu samráði við flokkstjóra þegar það á við, m.a. um starfshætti flokka, nefndir, þjálfunarkröfur o.fl.“

REIKNINGSÁR

15. grein

Reikningsár FBSR skal vera frá 1.maí til 30.apríl.

SJÓÐIR FBSR

16. grein

Sjóðir sveitarinnar skulu ávaxtast á sem hagkvæmastan hátt hverju sinni og án teljandi áhættu.

TRYGGINGAR

17. grein

Stjórn FBSR skal ávalt sjá til þess að allir félagar og samþykktir nýliðar séu líf- og slysatryggðir í öllu starfi félagsins.

SLIT

18. grein

Ef 2/3 hluta félagsmanna samþykkja á aðalfundi að slíta FBSR, skal það gert og eignum þess ráðstafað til líknar- eða menningarmála samkvæmt ákvörðun fundar.

HEIÐURSVEITINGAR

19. grein

Nefnd um heiðursveitingar skal skipuð virtum félögum sem verið hafa í FSBR eigi skemur en 15 ár. Nefndarmenn skulu kosnir til fimm ára í senn.

Tillaga um kjör heiðursfélaga skal vera skrifleg, studd af tveimur eða fleiri félögum. Hún skal send stjórn félagsins sem leggur hana fyrir valnefnd. Nefndin getur einnig átt frumkvæði að tillögu um heiðursfélaga. Tillaga um heiðursfélaga telst samþykkt með einróma stuðningi valnefndar og stjórnar. Stjórn FBSR getur veitt heiðursmerki fyrir áhuga á félagsmálum, eftir nánari reglum sem stjórnin setur.

Ritari aðalfundar.

Lög þessi taka gildi á aðalfundi FBSR 20. maí 2015